



TOSHKENT DAVLAT YURIDIK UNIVERSITETI REKTORINING B U Y R U G ' I

05.04.2024

222-tm-son

Talabaga hayfsan e'lon qilish to'g'risida

Bugungi kunda universitetda zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash va klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet rektori buyruqlari, Odob-axloq kodeksi hamda boshqa hujjatlarni buzish holatlari kuzatilmoqda.

Jumladan, Universitet rektorining 2024-yil 26-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 45-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabalari 2024-yil 5-fevraldan 12-aprelgacha bitiruv malakaviy amaliyotini tegishli tashkilotlarda o'tashi belgilangan.

Universitet rektorining mazkur buyrug'iga muvofiq bitiruv malakaviy amaliyot rahbarlari talabalarining amaliyot o'tashlarini, ularning amaliyot hisobotlarini o'rnatilgan tartibda rasmiylashtirilishini nazorat qilib, amalga oshirilgan ishlar yuzasidan 15 kunlik ma'lumotlarni O'quv-uslubiy boshqarma Bandlik bo'limiga taqdim etib borishi belgilangan.

Bundan tashqari, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizamning (ro'yxat raqami 2548) 16-4-bandiga muvofiq talaba bitiruv malakaviy amaliyotni o'tashda bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi hamda OTMdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi shartligi belgilangan.

Ammo, Xalqaro huquq va qiyosiy huquqshunoslik fakultetining 4-kurs

talabasi Xurramov Shohrux XXX belgilangan tartibda bitiruv malakaviy amaliyot hisobotlarini o'z vaqtida taqdim qilmagan hamda mazkur holat bo'yicha TDYUdagi amaliyot rahbari hamda amaliyot bo'limining 2024-yil 13-martdagi 3-03-17-115-sonli bildirgisi tegishli tartibda kiritilgan.

Mazkur bildirgiga muvofiq talaba Sh.Xurramovdan tushuntirish xati olingan hamda unga nisbatan 2024-yil 20-martdagi 21-16-66-sonli Xalqaro huquq va qiyosiy huquqshunoslik fakulteti dekanining ogohlantirishi qabul qilingan hamda talaba tanishtirilgan.

Bundan tashqari, Toshkent shahar sudining 2024-yil 13-martdagi №01-10/3HCX-339-sonli xatiga muvofiq Xurramov Shohrux XXX ichki tartib-qoidalarga, mehnat intizomiga rioya qilmasdan, surunkali kech qolish yoki umuman kelmasdan qolish holatlari kuzatilib, shuningdek sud xodimlari tomonidan uning xatti-harakatlaridan norozi bo'lganligi sababli muddatidan oldin amaliyotdan chaqirib olish so'ralgan. Mazkur holat bo'yicha talaba Sh.Xurramovdan tushuntirish xati olingan.

Bundan tashqari, TDYU amaliyot bo'limining 2024-yil 20-martdagi 3-03-17-117-sonli bildirgisiga muvofiq Xurramov Shohrux XXX belgilangan tartibda bitiruv malakaviy amaliyot hisobotlarini o'z vaqtida taqdim qilmaganligi qayd etilgan.

Xalqaro huquq va qiyosiy huquqshunoslik fakultetining 4-kurs talabasi Xurramov Shohrux XXX mazkur harakatlari bilan Universitet rektorining 2024-yil 26-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 45-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16-4-bandiga muvofiq bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi, universitetdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi hamda ta'limga oid boshqa me'yoriy hujjatlarga muvofiq bajarishiga oid talablarini buzgan.

Yuqoridagilarni inobatga olgan holda Universitet rektorining 2024-yil 26-yanvardagi 45-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16-4-bandiga asosan

BUYURAMAN:

1.Universitet rektorining 2024-yil 26-yanvardagi 45-tm-son buyrug‘i, “Yuridik ta’lim muassasalari (harbiy, maxsus oliy ta’lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o‘tash tartibi to‘g‘risida”gi nizamning (ro‘yxat raqami 2548) 16-4-bandi talablarini buzganligi uchun Xalqaro huquq va qiyosiy huquqshunoslik fakultetining 4-kurs talabasi Xurramov Shohrux XXXga hayfsan e’lon qilinsin.

2.Fakultet dekani (D.Umarxanova) mazkur buyruq mazmun-mohiyatini talaba e’tiboriga yetkazilishi va keng muhokama qilinishini ta’minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabalarning shaxsiy hujjatlar yig‘majildiga buyruq nusxasi tikilishini ta’minlasin;

mazkur holat takror sodir etilsa, talabani talabalar safidan chetlashtirish mumkinligi to‘g‘risida ogohlantirsin.

4.Mazkur buyruq bajarilishini nazorat qilishni o‘z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Bo‘lim boshlig‘i

J.AXMEDOV



Katta yuriskonsult

A.TURSUNOV



Boshqarma boshlig‘i

S.BOZAROV

